

Sta. Cruz, 1 di oktober 2020

COLSANT – 2020/2021 - 006

Topico: apertura di scol despues di oktobervakantie

Apreciabel mayor y alumno,

Desde 3 di september 2020 scol a habri pero na 50% di su capacidad. Esaki a nifica cu mientras mitar di un klas tawata na scol, e otro mitar tawata na cas cu tarea specifico di cada docente. Despues di cada siman, e grupo tawata switch. Bou di conseho di crisisteam y despues di evalua e situacion actual na Aruba, SKOA a dicidi cu su scolnan por habri na 100% di nan capacidad si cumpli cu e puntonan di e protocol “openstellen ondwerwijsinstellingen” (www.arubacovid19.org). Esaki ta nifica cu desde 12 di oktober 2020, tur alumno di Colegio San Antonio lo sigui enseñansa for di scol.

Pa nos scol esaki ta significa lo siguiente:

- Reglanan di higiene stipula pa DVG ta keda vigente.
 - o **Alumnonan cu tin sintoma NO ta presenta na scol.** Mayor mester avisa scol di biaha via email di scol colegiosanantonio@skoa.aw of telefon 5858021.
 - o Uzo di mondmasker ta keda obligatorio pa tur hende cu subi tereno di scol.
- Alumnonan di ciclo basico 1, ciclo basico 2 y ciclo avansa 1 tin nan prome periodo di prueba entre 12 y 16 di oktober. Esaki ta nifica cu e “toetsweek rooster” ta vigente. Por download e rooster riba nos website di scol.
- Algun klas di ciclo basico 1 y ciclo avansa 1 tin prueba dialuna dia 19 di oktober parti mainta. Lesnan ta sigui normal despues di e pruebanan aki.
- Pa alumnonan den examenklas esaki ta nifica cu desde 12 di oktober 2020 tur alumno mester ta na scol y por sigui les den preparacion pa nan prome schoolexamen cu ta cuminsa 9 di november 2020.
- Nos docentenan di LO (gym) lo percura pa e lesnan aki cana segun protocol vigente di DVG como tambe di IBISA. Alumno ta presenta den uniform di LO riba dia cu nan tin les.

IMPORTANTE: Nos ta urgi tur mayor pa papia cu boso yiu encuanto uzo di masker y higiene personal. Awor cu nos lo tin tur alumno riba tereno di scol, e ta bira un reto mas grandi pa controla cu tur alumno ta mantene su mes na e protocol vigente. Pa e motibo aki e ta importante pa e alumno, boso yiu, compronde cu cada persona ta responsabel pa su mesun seguridad y salud. Hunto nos por haci e periodo di transicion aki uno exitoso. Nos ta conta cu boso sosten den esaki.

Na momento cu bin adaptacion na e plan di apertura aki, nos lo percura pa boso haya e informacion corecto inmediatamente. Nos kier desea tur alumno un bon vakantie y na mes momento hopi exito cu e preparacion di e pruebanan di Toetsweek 1.1. Danki na tur mayor pa boso sosten y pasenshi. Nos ta aprecia esaki.

Keda cuida di otro na cas, tambe den e periodo aki di vakantie. Cuidando boso mes, boso famia y sernan keri, nos ta cuida tambe di e famia di Colegio San Antonio.

Saludo cordial,



Gershwin Lee
Director Colegio San Antonio Mavo